



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Domitii Plati Societatis Iesv Theologi, De Domini
Nostri Iesv Christi Passione**

Piatti, Domizio

Coloniae Agrippinae, 1610

De Christi misericordia & mansuetudine, Cap.9.

[urn:nbn:de:hbz:466:1-49474](https://nbn-resolving.org/urn:nbn:de:hbz:466:1-49474)

dignior erat cui vita conseruaretur, on
 nisq̄ue honor ac veneratio deferretur, n
 dum vt contra omne ius & æquum, ma
 te contumeliosissima è medio tolleretur
 tantò Passio illius grauior & acerbior
 redditur. Adhæc intuere quam arcto ob
 ligationis vinculo ei propterea deuinctu
 maneat; quod cum posset per sapientiam
 suam, facile mortem euadere, pro tui
 men amore, noluerit.

DE CHRISTI MISERICORDIA
 & mansuetudine.

CAPVT IX.

Mansueti
 & miseri-
 cordes ho-
 minibus
 sunt ama-
 biles.

MISERICORDIA & mansuetudo
 les quoque sunt qualitates, vt ho-
 minem cui insunt reddant amabilem, &
 omnibus obsequijs dignum, atque ab omni
 iniuria immunem: quia vna beneficij
 corda sibi deuincit: altera benignitate &
 comitate animos hominum allicit & at-
 trahit. Quapropter si ostenderimus eas in
 Christo Seruatore nostro, in summo quo-
 que gradu reperiri, facillimè, quanto per
 omni ex parte sacratissima Passio eius ag-
 grauetur, quodque nihil minus quam cru-
 ciari, & tormentis subdi commeritus fue-
 rit, patebit.

I. PRIMÒ igitur considera Christo qua-
 tenus DEVS est conuenisse attributum mi-
 sericor-

CONSIDERATIO I. 117

Misericordiae, quod Deo quatenus DEVS est congruit, & omnia opera manuum eius comitatur. Vnde in Psalmo dicitur. *Vniuersa via Domini misericordia & veritas: Et alibi per antonomasiam, DEVS misericors appellatur. Misericors & misericors Dominus.*

Qualis sit misericordia Christi quatenus Deus est. Psal. 24. Psal. 102.

SECUNDO considera: cum misericordiae officium sit exerceri in aliorum miserijs subleuandis ac tollendis: si cupis intueri qualis sit DEI misericordia, contemplare diligenter miseras, à quibus creaturas suas eximit: quomodo eas liberet à miseria nihili, producendo illas ad esse: à miseria peccati, eas iustificando: à miseria infelicitatis, gloriam illis conferendo: quomodo ad victum & vestitum necessaria illis suppeditet: quomodo ab inuisibilibus hostium insidijs ac molitionibus defendat: quomodo ignorantiae tenebras fuget: & alia complura, quae ille misericordissimè nobis praestat, sola interminata bonitate sua, nulla commodi spe, ductus & impulsus.

II. *Quod sit officium misericordiae.*

TERTIO expende tecum, qualis fuerit Christi misericordia quatenus homo, quae sanè maxima & inenarrabilis extitit: quia non modò misericorditer à miserijs nos exemit: verumetiam inusitato cum affectu, nouoque & insolito modo, eas à nobis abstulit, & in se deriuauit: vt propterea optimo iure dixerit Isaias Propheta

III. *Quanta sit Christi misericordia quatenus homo.*

Isai. 53.

Verè languores nostros ipse tulit, & dolores nostros ipse portavit. quo euidenter ostendit se esse verè filium Patris misericordiarum quia nemo alius id facere valuisset, nisi talis Patris filius.

IV.

Christus ut magis misericors esset, nostri similis effectus est. Heb. 2.

QUARTO reuolue tecum, talem fuisse Christi misericordiam, ut quo maior esset ga nos ostenderet commiserationis affectus nobis per omnia similis effici voluerit: ut aduertit S. Paulus dicens: Debit enim per omnia, fratribus assimilari, ut misericors fieret. Idcirco mirum non est, quod necessitate alicuius intuens, extemplo commiseratione tactus fuerit, uti apud Matthaeum legimus, quod videns turbas dixerit: Miserior turba. Et apud Lucam, quod ciuitatem Naim ingrediens, & unicum filium pauperis viduae vita functum, ad sepulchram deferri conspiciens, commota fuerit viscera eius, & viduae misertus, filium eius ad vitam reuocauerit.

Matth. 15.

Luc. 7.

V.

Christus est pater noster. Isai. 9.

QUINTO, considera, Christum non modo ut occasionem haberet, clementius tractandi, nobis ut dictum est, simile fieri voluisse, sed etiam Patrem nostrum se constituisse: nam ideo Isaias appellat eum Patrem futuri saeculi: quia clarissimum est Patrem non posse non uti misericordia in filios: & tamen si quis pater, aut quæ mater partuum uteri sui obliuisceretur, nihil:

hilominus Propheta dicente, verus hic Pa- ^{Idem. 49.}
 ter noster, nunquam se nostri memoriam
 depositurum, nec misericordiam à filijs
 suis subtracturum pollicetur.

SEXTÒ expende tecum, si misericordiam **VI.**
 velis, necessarium esse, vt eam à Christo <sup>Qui cupit
 misericor-
 diam à
 Christo es
 petere de-
 bet.</sup>
 flagites, & cum cæco illo Euangelico vo-
 cifereris: *Fili David miserere mei:* quoniam
 ipse est fons misericordiæ, atque ad illam
 percipiendam nos inuitat, dicens: *Venite* ^{Matth. 23.}
ad me omnes, qui laboratis & onerati estis, & ^{Matth. 11.}
ego reficiam vos. Quod si etiam non quæ-
 rentibus & poscentibus, misericordem se
 exhibet, qualem tibi se exhibiturus est, si
 misericordiam, pia instantia postulaueris?
 Cæterum recordare si à Domino accipis
 misericordiam, decere vt ea quoq; in pro-
 ximos vtaris, quemadmodum apud Lucã
 ipse nos instruit, dicens: *Estote ergò miseri-* ^{Luc. 6.}
cordes, sicut & Pater vester misericors est. Ca-
 ue ne idem facias, quod malus ille seruus,
 de quo Euangelium refert, quod postea-
 quam à Domino totius debiti sui remissi-
 onem consecutus fuisset, exiguum conser-
 uo suo debitum dimittere noluit: *sed te-*
nens suffocabat eum dicens. Redde quod de-
bes. quamobrem asperis verbis à Domino
 suo increpari, & grauissimæ pœnæ subdi-
 meruit.

SEPTIMÒ cõsidera, qualis fuerit Christi **VII.**
 H 4 mansue-

Quanta fue-
rit Christi
mansuetu-
do.

Matth. 11.

Zach. 9.

Matth. 21.

Isai. 61.

mansuetudo: quia is qui tam misericors
erat, non poterat non esse mansuetissimus
quapropter merito se nobis in speculum
& exēplar mansuetudinis proposuit, quā-
do ait: *Discite à me, quia mitis sum & humilis*
corde. Et Propheta Zacharias eum appellat
Regem mansuetum: *Ecce Rex tuus venit tibi*
mansuetus: Et Isaias in persona Christi, pro-
pterea se speciatim ad Euangelium man-
suetis prædicandum missum fuisse affir-
mat: *Ad annuntiandum, inquit, mansuetis mi-*
serere me, ut mederer contritis corde, ut prædica-
rem annunplacabilem, ut consolarer omnes lu-
gentes.

VIII.

Christus fu-
it mansue-
tissimus in
castigando.

Luc. 9.

OCTAVO expende tecum, quam pul-
chrè Christus innatam hanc mansuetudi-
nem demonstravit, quando discipulis in-
terrogantibus, gratumne haberet, ut igne
de cælo iuberent descendere, qui civita-
tem Samaritanorum eos recipere nolen-
tiū, cōsumeret: respondit: *Filius hominis non*
venit animas perdere, sed saluare. Ex multis
alijs præterea S. Scripturæ locis clarissime
cernitur, quam fuerit Servator noster non
modò misericors in largiendo, & remun-
erando, sed etiam pius & mansuetus in ca-
stigando.

IX.

NONO aduerte, talem fuisse Christi li-
beratoris & Domini nostri misericordi-
am, mansuetudinem & benignitatem erga
nos,

nos, vt sacra litera, quo nobis effecta ha-
rum virtutum apertius ostenderent varia
ei nomina & diuersos titulos indiderint.

Varia no-
mina & ti-
tuli Chri-
sti.

Nonnunquam appellant eum Agnum DEI
tollentem peccata mundi. Aliquando Pa-
storem, quia nos pascit ac moderatur.

Ioan. 1.
Ioan. 10. 15.

Quandoque vitem, propter fertilitatem,
quia sanctorum operum in nobis autor &
productor est: Alias Lucem gentium, quia
mentium nostrarum tenebras pellit. Est

Isai. 49.
1. Tim. 2.
Psal. 71.

quando eum nominant Mediatorem &
Aduocatum, quia nos Deo Patri reconci-
liauit. Vocatur adhuc Pluuia, propter in-
numera beneficia & inæstimabiles gratias,
quas incessanter supra nos effundit. Um-
bra, quia nos in concupiscentijs nostris re-
frigerat. Porta, quia quisquis per illam in-
greditur, omnium bonorum vbertatem
inuenit. Leo, propter victoriam, quam de
hostibus nostris reportauit. Vestis, quia
omni virtute & gratia cælesti nos conte-
git. Lapis, quia est æternæ vitæ petra fun-
damentalis. Donum DEI, quia est summū
donum, quod DEVS contulit humanæ ge-
nerationi. Arbor, propter soliditatem &
firmitatem, sub qua tuto anima sancta re-
quiescit. Medicus, quia vulneribus & æ-
gritudinibus nostris curationem adhibet.
Gallina, propter pietatem & compassionē.
Ros, propter fecunditatem, quam efficit in

Ose. 14.
Ioan. 10.
Apo. 5.
Rom. 13.
Eccl. 26.
Rom. 5. 8

animam.

Cant. 8.
Isai. 61.
Matth. 23.
Ose. 14.
Psal. 104.

Psal. 104.
Matth. 13.

Exod. 3.
Isai. 12.

Luc. 2.

Psal. 60.
Isai. 2.
Psal. 66.
Cant. 2.

Matth. 13.

Isai. 11.
Isai. 55.
2. Cor. 6.

Iosn. 6.
Psal. 22.
44.
Prou. 5.
Psal. 21.

Matth. 20.

Psal. 18.

Isai. 49.
Idem. 8.

animabus nostris. Nubes, propter protectionem, qua nos à noxijs tutatur. Margeritum pretiosum, quod quisquis probè agnouerit, omnia vendit, vt illud sibi acquirere valeat. Ignis, quia inflammat. Fons, è quo omnium gratiarum aquæ vberim scaturiunt. Signum seu scopus in quem collimemus nostras contradictiones. Turre fortitudinis ad inimicos repellendos. Mons, propter eminentiam eius supra vniuersas creaturas. Fructus, quia est benedictum illud germen omnem in se habens saporem. Thesaurus absconditus, quia in eo conclusæ sunt omnes cælorum diuitiæ. Flos propter pulchritudinem. Magister & doctõr, propter salutaria præcepta & institutiones quas nobis tradidit. Pretium, quia litro preciosi sanguinis eius redempti sumus. Panis viuus, quia nos sustentat. Virga quia nos regit & gubernat. Cereus & hinnulus propter amorem. Vermis, propter humilitatem & sui contemptum, quem nostræ salutis causa sustinuit. Seruus, quia vt nobis seruiret, in hunc mundum venit. Gigas, propter passuum magnitudinem & propter velocitatem & alacritatem qua cucurrit ad negotium salutis nostræ perficiendum. Sagitta, quia sancto amore suo nos vulnerat. Prædator, ob animarum & cordium nostrorum depredationem.

ationem. Sal, quia imperfectionum no- ^{4. Reg. 2.}
strarum insipiditatem condit. Aquila, quia ^{Deut. 32.}
nos prouocat vt mente ad considera-
tionem rerum caelestium ascendamus. ^{Ioan. 14.}
Veritas, propter securam & veracem
doctrinam. Via, quoniam ad caelos ^{Ibid.}
nos deducit. Vita, quia vitam nobis im- ^{Ibid.}
pertitur. Denique appellatur liber; in quo ^{Psal. 39.}
omnes electi & praedestinati ad regnum
caeleste descripti sunt. Extant & alia mul-
ta quae e sacris literis peti potuerunt, no-
bis fatis est pio Lectori ea leuiter indicasse,
vt hac luce praeuente clarius Seruatoris
nostri misericordiam & benignitatem ag-
noscere, atque in animo pium affectum
& efficax desiderium, immensae, qua ei de-
uincti sumus, obligationi respondendi suf-
citare valeat.

DE CHRISTI IUSTITIA ET
Potestate iudiciaria.

CAPVT X.

HAec erit vltima circumstantiarum
personae Christi patientis, qua con-
siderationi huic finem faciemus: quam id-
circo praeterire nolimus, quod & ipsa pas-
sionem eius vehemeter aggrauet vti pau-
lo post declarabimus: imo quisque primo
statim respectu intelligere potest, contra
fas & aequum fieri, quod ei, qui iustitiam
semper